



Komisija za vanjsku trgovinu i carine
Povjerenstvo za vanjsku trgovinu i carine
Broj 01/3-50-1-3-26/08
Sarajevo, 4.11.2008.

Комисија за спољну трговину и царине

Z A P I S N I K
26.sjednice Komisije za vanjsku trgovinu i carine Predstavničkog doma
Parlamentarne skupštine Bosne i Hercegovine
održane 4.11.2008.

Sjednica počela u 15 sati.

Sjdnici je predsjedavala predsjedavajuća Komisije Snježana Rajilić.

Sjednici su prisustvovali članovi Komisije: Mehmed Suljkanović, Slavko Jovičić, Salko Sokolović, Hadži Jovan Mitrović, Ekrem Ajanović, Šemsudin Mehmedović i Jozo Križanović (sa zakašnjenjem od 20 minuta).

Odsustvo opravdao: Jerko Ivanković Lijanović.

Sjednici su prisustvovali: Enver Muratović, šef Odsjeka za vanjskotrgovinsku politiku i strana ulaganja MVTEOBiH, Seid Uzunović, šef Odsjeka za ruralni razvoj u MVTEOBiH, Elda Hođžić-Isović, stručni saradnik u Sektoru za poljoprivredu u MVTEO, Mia Salihagić, stručni saradnik u MVTEOBiH, Milenko Pandurević, šef Odsjeka za carinsku politiku u MVTEOBiH, Amela Alihodžić, pomoćnik direktora Direkcije za evropske integracije BiH, Adem Huskić, poslanik u Predstavničkom domu Parlamentarne skupštine BiH, Zoran Brkić, viši stručni saradnik u Sektoru za odnose s javnošću Parlamentarne skupštine BiH, Dobrinka Savić, stručni saradnik u Komisiji za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH, i Radomir Marjanović, stručni savjetnik u Komisiji za vanjsku trgovinu i carine.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 25. Sjednice Komisije,
2. Razmatranje inicijative za izmjenu Odluke Vijeća ministara BiH o ograničenju uvoza putničkih automobila, teretnih vozila i automobilskih guma, predlagač: Adem Huskić, poslanik u Predstavničkom domu,
3. Razmatranje Izvještaja Ustavnopravne komisije Predstavničkog doma, od 21.10.2008., autentičnom tumačenju člana 7. stav 2.a) Zakona o slobodnim zonama u BiH, na osnovu člana 137. stav (5) Poslovnika Predstavničkog doma,
4. Tekuća pitanja:
 - a) upoznavanje o obavještenju Vijeća ministara BiH, dostavljeno 29. 9.2008. i 13.10.2008., na osnovu Zaključka 23. sjednice Komisije (izrada Zakona o duhanu i Zakona o akcizama u BiH),
 - b) upoznavanje o Mišljenju Direkcije za evropske integracije BiH, od 26.9.2008., o usklađenosti Prijedloga zakona o zaštiti domaće proizvodnje, predlagač: Jerko Ivanković Lijanović (dostavljen u parlamentarnu proceduru 1. 9.2008.) s *acquis communautaire*,
 - c) upoznavanje o molbi Centara civilnih inicijativa za dostavljanje podataka o radu Komisije.

Ad. 1. Usvajanje Zapisnika 25. sjednice Komisije

Zapisnik 25. sjednice Komisije usvojen je jednoglasno, bez primjedbi.

Ad.2. Razmatranje inicijative za izmjenu Odluke Vijeća ministara BiH o ograničenju uvoza putničkih automobila, teretnih vozila i automobilskih guma, predlagatelj: Adem Huskić, poslanik u Predstavničkom domu

Predsjedavajući Komisije Snježana Rajilić upoznala je prisutne o inicijativi poslanika Adema Huskića.

U diskusiji su učestvovali: Adem Huskić, Enver Muratović, Ekrem Ajanović, Šemsudin Mehmedović, Snježana Rajilić i Salko Sokolović.

Adem Huskić, predlagatelj inicijative za izmjenu Odluke Vijeća ministara BiH, napomenuo je da analize pokazuju da je prosječna starost automobila u BiH 16 godina, pa je to razlog više da uopće ne bi trebalo biti ograničenja prilikom uvoza.

Enver Muratović rekao je da je 2000. godine Vijeće ministara BiH donijelo navedenu odluku koja je trebalo da bude privremena. Evropska komisija tražila je da se ova odluka stavi van snage jer nije u skladu s propisima Svjetske trgovinske organizacije (WTO). I pored toga, uspjelo se dobiti još malo vremena da se donesu tehnički propisi kojima će se urediti ova oblast kako bi Odluka bila stavljena van snage.

Dalje je istakao da nema mogućnost prihvatiti inicijativu jer je prihvaćen stav WTO-a i Evropske komisije da se ne mijenja sadašnji vanjskotrgovinski režim, već da ih jedino usklađujemo s pravilima i propozicijama WTO i EU.

Ekrem Ajanović je nakon pojašnjenja Envera Muratovića prihvatio prijedlog i obrazloženje dato od MVTEO.

Šemsudin Mehmedović rekao je da kao tehničko lice ne može podržati inicijativu i protiv je uvoza zastarjele opreme i tehnologije, a ovu odluku ostavlja pregovaračima kao mogući element koncesije u pregovorima s međunarodnim trgovinskim organizacijama.

Salko Sokolović postavio je pitanje da li Ministarstvo može procijeniti period za reguliranje navedene problematike.

Snježana Rajilić rekla je da ima negativno mišljenje nadležnog ministarstva RS-a te da je ne podržava inicijativu. Predložila da se usvoje određeni zaključci.

Nakon rasprave, Komisija je, s pet glasova „za“, jednim glasom „protiv“ i jednim „suzdržanim“ glasom, usvojila sjedeći

ZAKLJUČAK

Komisija ne podržava inicijativu Adema Huskića za izmjenu Odluke u tački I. o ograničenju uvoza putničkih automobila, teretnih vozila i automobilskih guma, te predlaže Predstavničkom domu Parlamentarne skupštine BiH da ne prihvati inicijativu.

Također, Komisija je jednoglasno zaključila:

1. Zadužuje se Ministarstvo vanjske trgovine i ekonomskih odnosa BiH da ažurira sve potrebne radnje (ubrzavanje donošenja tehničke legistrative, regulatorne analize učinaka, oblika poreskog sistema usklađen s propisima EU i dr.) kako bi privremena mjera bila što prije ukinuta.
2. Zadužuje se Ministarstvo komunikacija i prometa BiH da u što kraćem roku izvrši izbor kompetentne institucije koja će na adekvatan način raditi homologaciju uvoznih automobila.

Zaključak dostaviti navedenim ministarstvima na realizaciju.

Ad.3. Razmatranje izvještaja Ustavnopravne komisije Predstavničkog doma, od 21.10.2008., za autentično tumačenje člana 7. stav 2.a) Zakona o slobodnim zonama u BiH na osnovu člana 137. stav (5) Poslovnika Predstavničkog doma

Predsjedavajuća Komisije Snježana Rajilić konstatirala je da su članovi Komisije upoznati s Izvještajem Ustavnopravne komisije i Mišljenjem Vijeća ministara BiH. Zamolila je predstavnika MVTEOBiH da ponovo obrazloži Mišljenje koje je Vijeće ministara BiH utvrdilo na 53. sjednici, održanoj 23.6.2008., i dostavilo Predstavničkom domu 12.9.2008., na osnovu zahtjevu za autentično tumačenje navedenog člana zakona koje je podnijelo Federalno ministarstvo trgovine.

Milenko Pandurević istakao je da Ministarstvo ostaje pri datom mišljenju u vezi s tumačenjem člana 7. stav 2.a) Zakona o slobodnim zonama u BiH za izuzimanje dijela objekta i dijela zemljišta iz Slobodne zone "Visoko". Upravni postupak za izdvajanje dijela zemljišta i dijela objekta Slobodne zone može se provesti ako za to postoji ekonomska opravdanost, uz svu potrebnu prateću dokumentaciju, prema Odluci o davanju saglasnosti o lokaciji i uslovima za proširenje Slobodne zone "Visoko", od 13. 10. 2005.

Jozo Križanović konstatirao je da nema ništa sporno u zahtjevu Slobodne zone „Visoko“ i Mišljenju Vijeća ministara BiH. Imajući u vidu da je udovoljeno zahtjevu za proširenje slobodne zone, shodno tome treba provesti postupak i po zahtjevu za njeno smanjenje.

Komisija je jednoglasno prihvatila Mišljenje MVTEOBiH, utvrđeno na 53. sjednici Vijeća ministara BiH, održanoj 23.6.2008.

Na osnovu člana 137. stav (5) Poslovnika Predstavničkog doma, utvrđeni Prijedlog autentičnog tumačenja člana 7. stav 2.a) Zakona o slobodnim zonama u BiH („Službeni glasnik BiH“, br. 3/02 i 13/03), bit će upućen u daljnju proceduru Ustavnopravnoj komisiji Predstavničkog doma.

Ad.4. Tekuća pitanja

a) Upoznavanje o obavještenjima Vijeća ministara BiH, dostavljenim 29.9.2008. i 13.10.2008., na osnovu Zaključka 23. sjednice Komisije (izrada Zakona o duhanu i Zakona o akcizama u BiH)

Seid Uzunović rekao je da je pripremljen Nacrt teksta zakona o duhanu te da je u toku provođenje procedure usaglašavanja u nadležnim entitetskim ministarstvima. Može se očekivati da se do kraja 2008. godine tekst Zakona dostavi u daljnju proceduru Vijeću ministara BiH.

U raspravi su učestvovali: Snježana Rajilić, Šemsudin Mehmedović, Slavko Jovičić, Mehmed Suljkanović i Salko Sokolović.

Komisija je primila k znanju obavještenja dostavljena na osnovu Zaključka 23. sjednice Komisije, u vezi s pitanjem u kojoj je fazi izrade tekst Zakona o duhanu.

Na obavještenje o izradi Zakona o izmjenama i dopunama Zakona o akcizama u BiH, te imajući u vidu da procedura traje nedopustivo dugo, Komisija je jednoglasno zaključila da se od UOUIOBiH ponovo zatraži informacija o tome u kojoj je fazi utvrđivanje teksta izmjena i dopuna navedenog zakona.

b) Upoznavanje o Mišljenju Direkcije za evropske integracije BiH, od 26. 9. 2008., o usklađenosti Prijedloga zakona o zaštiti domaće proizvodnje, predlagača Jerka Ivankovića Lijanovića (dostavljenog u parlamentarnu proceduru 1.09.2008.) s *acquis communautaire*

Komisija je primila k znanju Mišljenje Direkcije za evropske integracije BiH o usklađenosti Prijedloga zakona o zaštiti domaće proizvodnje, predlagača Jerka Ivankovića Lijanovića (dostavljenog u parlamentarnu proceduru 1.9.2008.) s *acquis communautaire*.

c) Upoznavanje o molbi Centara civilnih inicijativa za dostavljanje podataka o radu Komisije

Komisija je primila k znanju molbu CCI upućenu e-mailom sekretarima komisija za dostavljanje podataka o radu Komisije za period januar-septembar 2008.godine.

Z a k l j u č e n o je da se obavijesti CCI da ubuduće njihovi predstavnici mogu prisustvovati svim sjednicama Komisije koje su otvorene za javnost, ako Komisija drugačije ne odluči, te da koriste informacije s veb-stranice Parlamentarne skupštine BiH umjesto dosadašnjeg načina obraćanja za dostavljanje podataka.

Sjednica je završena u 16,30 sati.

Sekretar Komisije
Emira Češljar

Predsjedavajuća Komisije
Snježana Rajilić